

ଅବ୍ରାହାମ୍ ସତ୍‌ମାପୁରୁ ଆୟୁଆୟୁନୁ



Bodo Gadaba

ଅବ୍ରାହମାୟ ସତ୍ୟମାତ୍ମରୁ ଆୟତ୍ତାୟନ୍ତୁ

Bodo Gadaba
Koraput, India



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.



ମୁଞ୍ଚର' ଦିନେ ଯିହୋବା ଅବ୍ରାହାମାୟ୍ ସୁନ',
ନମ୍ ନମନ୍ତୁ ଦେସ୍, କୁରୁମ୍ ମିୟ'
ଡିଏନ୍ସାରଲାୟ୍ ଅମତୁର'ସୁ ଉଲ । ନିଙ୍ଗ
ଅନମ୍ଲାୟ୍ ବ' ଦେସ୍ ଅବସେୟ୍'ତୁନିଙ୍ଗ ନମ୍
ତୁ ଜାଗାବ' ଉୟା ଡିୟ'ସୁ ସୁନ' । ନିଙ୍ଗ ନମନ୍ତୁ
ଡିକ୍ ମୁଞ୍ଚର' ମଡକାଙ୍ଗ କୁରୁମ୍ ତେମତୁନିଙ୍ଗ,



ମିୟ' ନିଜ୍ ଅନମ୍ଲାଇଁ ଆସିର୍ବାଦ୍
ଡେମ୍ବୁନିଜ୍ ମିୟ' ନମ୍ବୁ ଇମିଲାଇଁ ମଡ଼
ଡେମ୍ବୁନିଜ୍ ମିୟ' ନମ୍ବୁ ତିକ୍ ଦୁନିଆଁନ୍ ସବୁ
କୁଟୁମ୍ ଆସିର୍ବାଦ୍ ପାଏୟ୍ଲଜ୍ନେନ୍ ତିୟ'ସୁ
ସୁନ' । ବ' ଲକ୍ନେନ୍ ଅନମ୍ଲାଇଁ
ଆସିର୍ବାଦ୍ ଡେମ୍ବୁନେନ୍,



ନିଜ୍ ଅମାୟ୍'ନେନ୍‌ଲାଇଁ ଆସିର୍ବାଦ୍
ଡେମ୍‌ଡୁନିଜ୍ । ମିୟ୍' ବ' ଲକ୍‌ନେନ୍
ଅନମ୍‌ଲାଇଁ ଅବିସାପ୍ ବେ'ଡୁନେନ୍, ନିଜ୍
ଅମାୟ୍'ନେନ୍‌ଲାଇଁ ଅବିସାପ୍ ବେ'ଡୁନିଜ୍ ।
ମିୟ୍' ନମ୍‌ନ୍ନୁ କୁଟୁମ୍‌କାଙ୍‌ନେନ୍ ଆସିର୍ବାଦ୍
ପାଏୟ୍‌ଲାଇଁନେନ୍ ଡିୟ୍'ସୁ ସୁନ' ।



ତୁମ୍ଭ ପୁଲାଇଁ ଅବ୍ରହାମ୍ ଯିହୋବା ସୁନ'ନ୍ତୁ
ଅନ୍‌ସାରେ ମାଇଁ' ମିୟ' ବୁୟାଙ୍‌ଡେୟ୍‌ନ୍ତୁ
ଅଡୁ'ଅନ୍ ଲୋଟନ୍ତୁ ବୁଡ଼ମ୍ ଉଜି' । ମିୟ'
ହାରଣ୍ ଜାଗା ଡିକ୍ ଅବ୍ରହାମ ଉୟ୍ ବେଲା
ଅମାଇଁ'ଲାଇଁ ସତୁରି ପାନ୍‌ର୍ ବରସ୍ ଡେଙ୍ଗୁ
ତୁଗୁ ।



ଅବ୍ରହାମ ନିଜର କୁମାର୍ ସାରିଲାୟ୍, ମିୟ୍
ବୁୟାଙ୍ଗ୍‌ଡେୟ୍‌ନ୍‌ ଅଡୁ'ଅନ୍ ଲୋଟଲାୟ୍ ମିୟ୍
ମାୟ୍‌ନୁବ' କାମ୍ ଡେଡେମ୍‌ନ୍‌ ଲକ୍‌ନେନ୍‌ଲାୟ୍
ଆୟ୍‌ସୁ ମିୟ୍' ନିଜର ଦେସ୍‌ବ'
ଅରଜେୟ୍‌ଗୁନ୍‌ ସମ୍‌ପତି ସବ'ସୁ କିଶାନ
ଦେସ୍‌ବ' ଉଜି'ସୁ କେଟେୟ୍‌ଗୁନେନ୍‌ ।




ମିୟ' ଅବ୍ରହାମ୍ ତୁ ଜଗାବ' ଏକେ' ଅତୁ
ଆଲ୍‌ଗୁ ଆଲ୍‌ଗୁସୁ ମୋରି ଜାଗାନୁ ଅଲୋନ୍
ସୁଲବ୍ ବୁନ୍‌ଦେ ତୁଗୁନ୍ନୁ ବେଲା, ଯିହୋବା
ଅବ୍ରହାମ୍‌ଲାୟ୍ ସୁନ', ନମ୍‌ନୁ
ନାତିତିନେନ୍‌ଲାୟ୍ ଏ କିଶାନ ଜାଗା
ବେ'ତୁନିଙ୍ଗ୍ ତିୟ'ସୁ ସୁନ' ।




ତୁମ୍ଭ ତିରଗି' ଅବ୍ରହ୍ମାମ ତୁ ଜାଗାନୁ
ବିରଙ୍ଗରାଜିଏଲ୍ ଉଜି'ସୁ ତୁମ୍ କୁଡ଼ିଆ
ଟାନେୟ' । ତୁ ଜାଗାନୁ ପତିମ୍ ଦିଗ୍ କୁରୁଙ୍ଗ
ବେଥେଲ୍ ଇମିନୁ ଗଡ୍ ମିୟ' ପୁରୁବ୍ ଦିଗ୍
କୁରୁଙ୍ଗ୍ ଅୟ ଇମିନୁ ଗଡ୍ ତୁଗୁ । ତୁନ'ସା
ଗେଲ୍‌ଗେଲ୍‌ନୁ ମୁଇର' ବେଦି ତିଆର୍
ଡେମ'ସୁ ଯିହୋବାନୁବ' ପାର୍ତନା ଡେମ' ।



ତୁମ୍ଭୁ ତିରଗି' ଅବ୍ରାମ ଆଲ୍‌ଗୁ ଆଲ୍‌ଗୁସୁ ମିୟ୍
ତରେକ୍ ନେଗେବ ଜାଗାବ' କେଟେୟ୍‌ଗୁ। ତୁ
ବେଲା, କିଶାନ ଜାଗାବ' ଅପର୍ବଲ୍ କାତାର୍
ଡେକ୍ ତୁଗୁସୁ, ଅବ୍ରାମ ମିସର ଦେସ୍‌ବ' ତୁ
ପୁଲାଇଁ ଉଜି' । ମାତର୍ ମିସର ଦେସ୍‌ବ'
କେଟାକେଟି ବେଲା କୁମୟ୍'ଡେୟ୍‌ଲାଇଁ
ସୁନ',




ନମ୍ ବେସି ସୁନ୍ଦରି ତୁତୁନମ୍ । ମିସର
ଦେସନ୍ତୁ ଲକ୍ନେନ୍ ଅନମ୍ଲାୟ୍ ନିଜ୍ତୁ
କୁମୟ୍' ତିୟ୍' ମାଅ'ନା ଅନିଜ୍ଲାୟ୍ ତର'
ସୁଜ୍ତୁନେନ୍ । ତୁନ୍ତୁ ପୁଲାୟ୍ ନମ୍ ନିଜ୍
ମାୟ୍'ନ୍ତୁ କୁମୟ୍' ତିୟ୍' ମର୍ ସୁନ'ସୁ ତନାନ୍
ତିୟ୍' ସୁନ୍ତୁନମ୍ । ଅବ୍ରାମ ଜେଡ଼େବେଲା
ମିସର ଦେସବ' ଉଜି',




ତୁ ବେଲା ମିସରନ୍ତୁ ଲକ୍ନେନ୍ ସାରିଲାୟ୍
ଅପର୍ବଲ୍ ସୁନ୍ଦରି ତୁଗୁନ୍ତୁ ଜୁଅ'ନେନ୍ ।
ମିୟ' ପାରୋ ରାଜାନ୍ତୁ ମୁକିୟ ଲକ୍ନେନ୍ ତୁ
ଅନ'ଅନ୍ ଅପର୍ବଲ୍ ସୁନ୍ଦରି ତୁତୁ ତିୟ'ସୁ
ତୁ ଅନ'ଅନ୍ଲାୟ୍ ପାରୋନ୍ତୁ ତିଏନ୍ବ'
ଅବ୍ରିଅ'ନେନ୍ ।




ତୁ ସାରୀନୁ ଲାଗି ଫାରେ ରାଜା
ଅବ୍ରାମଲାଇଁ ଦୟା ଅବ୍‌ସେୟ'ସୁ ମେନ୍‌ଡା,
ବାନ୍‌ଡି, ମାୟ୍‌ଆନ୍‌ଡ୍ରା ଗଦନେନ୍ ମିୟ୍
ଗତିଅନବ୍ ଅଡୁ'ବ୍‌ନେନ୍ ମିୟ୍' ଉର୍‌ନେନ୍‌ସା
ବେଡ୍' ।



ମାତର୍ ସାରୀନୁ ଲାଗି ଯିହୋବା ପାରୋଲାଇ
ମିୟ' ମାୟ'ନୁ ତିଏନକାଙ୍ଗନେନଲାଇ
ମଡ଼ମଡ଼କାଙ୍ଗ ରଗ୍ ଅ'ବ୍ଡେମ' । ତୁନୁ ତିରଗି
ରାଜା ଅବ୍ରହାମଲାଇ ଆୟ'ସୁ ସୁନ' ତୁ
ଅନ'ଅନ୍ତ ନମ୍ନୁ କୁମୟ',



ମାଙ୍ଗଡେମ୍ ନିଙ୍ଗୁ ତନାନ୍ ତିୟ'ସୁ ସୁନ'ନମ୍
ଡୁଗୁ । ନିଙ୍ଗୁ ଅମାୟ'ଲାୟ୍ ନିଙ୍ଗୁ କୁମାୟ'
ଡେଡେମ୍ଲାୟ୍ ରିଙ୍ଗିନିଙ୍ଗୁ ଡୁଗୁ । ମାତର୍ ଆଁ
ଆନ୍ଡେୟ' ବେଡ'ନିଙ୍ଗି, ନମ୍
ଅମାୟ'ଲାୟ୍ ଏଡି'କେ ଆୟ'ସୁ ସବ'ଉୟା
ତିୟ'ସୁ ସୁନ' ।



ତୁ ବେଲା ଫାରୋ, ଅମାୟ୍'ନେନ୍‌ଲାଇ
ମ'ଡ୍‌ଗୁ ଉୟ୍ ପୁଲାଇୟ୍ ସୁନ୍‌ନେନ୍ ଡିୟ୍'ସୁ
ମାୟ୍'ନୁ ଲକ୍‌ନେନ୍‌ଲାଇ ଆଦେସ୍ ବେଡ୍' ।
ମିୟ୍' ଫାରୋନୁ ଲକ୍‌ନେନ୍ ସବୁ ଦନ୍
ସମ୍‌ପତି ବୁଡ୍‌ମ୍ ଅବ୍ରାମ ମିୟ୍'
କୁମାୟ୍'ଡେୟ୍‌ଲାଇୟ୍ ମ'ଡ୍‌ଗୁ ଉୟ୍‌ପୁଲାଇୟ୍
ସୁନ୍‌ନେନ୍ ।

ଏ ପରସନ୍ନୁ ଉତର

ସୁନ୍ନାୟ୍

1-ସତ୍‌ମାପୁରୁ ଅବ୍ରହ୍ମାମଲାୟ୍ ମାଙ୍ଗ୍‌ମାଙ୍ଗ୍
ଡିୟ୍ ସୁନ୍'?

2-ଅବ୍ରାମ ସାରୀଲାୟ୍ ମାଙ୍ଗ୍‌ଡେମ୍ ନିଙ୍ଗ୍
ମାୟ୍'ନ୍ନୁ ତନାନ୍ ଡିୟ୍ ସୁନ୍ ଡିୟ୍'ସୁ ସୁନ୍'?

3-ସାରିଲାୟ୍ ବ' ଲକ୍‌ନେନ୍ ଆୟ୍'ରିଙ୍ଗିନେନ୍
ହୁଗୁ?

4-ସତ୍‌ମାପୁରୁ ସାରିନ୍ନୁ ଲାଗି ବ'

ଡିଏନ୍‌କାଙ୍ଗ୍‌ନେନ୍‌ଲାୟ୍ ରଗ୍ ଅବ୍‌ଡେମ'?

6-ଏକାତାନି ଡିକ୍ ମୁକିୟ୍' ବାବ୍‌ରେ ମାଙ୍ଗ୍‌ଟା
ଗିର୍‌ଗିର୍ ଡେଙ୍ଗୁନି?

